

惡取空(補充)

《瑜伽師地論卷 36》

如有一類，聞說難解大乘相應、空性相應、未極顯了密意趣義甚深經典，不能如實解所說義，起不如理虛妄分別，由不巧便所引尋思，起如是見，立如是論：

一切唯假，是為真實；若作是觀，名為正觀。

彼於虛假所依處所實有唯事，撥為非有，是則一切虛假皆無，何當得有一切唯假是為真實。

由此道理，彼於真實及以虛假二種俱謗都無所有。由謗真實及虛假故，當知是名最極無者。

如是無者，一切有智同梵行者不應共語、不應共住。如是無者，能自敗壞，亦壞世間隨彼見者。

世尊依彼密意說言：寧如一類起我見者，不如一類惡取空者。

何以故？

起我見者，唯於所知境界迷惑，不謗一切所知境界；不由此因墮諸惡趣，

於他求法、求苦解脫不為虛誑，不作稽留；於法、於諦亦能建立；於諸學處不生慢緩。

惡取空者，亦於所知境界迷惑，亦謗一切所知境界；由此因故，墮諸惡趣。

於他求法、求苦解脫能為虛誑，亦作稽留；於法、於諦不能建立；於諸學處極生慢緩。

如是損減實有事者，於佛所說法毗奈耶甚為失壞。

云何名為惡取空者？

謂有沙門、或婆羅門，

由彼故空亦不信受，於此而空亦不信受，如是名為惡取空者。

何以故？

由彼故空，彼實是無；於此而空，此實是有。由此道理可說為空。

若說一切都無所有；何處、何者、何故名空？亦不應言：由此、於此即說為空。是故名為惡取空者。

云何復名善取空者？

謂由於此彼無所有，即由彼故正觀為空；復由於此餘實是有，即由餘故如實知有。如是名為悟入空性，如實無倒。

謂於如前所說一切色等想事、所說色等假說性法，都無所有，是故於此色等想事，由彼色等假說性法說之為空。

於此一切色等想事，何者為餘？謂即色等假說所依。

如是二種皆如實知。謂於此中實有唯事，於唯事中亦有唯假；不於實無起增益執，不於實有起損減執。

不增不減、不取不捨，如實了知如實真如離言自性。如是名為善取空者，於空法性能以正慧妙善通達。

《瑜伽師地論卷 76》《解深密經卷 2》〈無自性相品第五〉

若諸有情，廣說乃至未能積集上品福德、智慧資糧，性非質直，非質直類。

雖有力能思擇廢立，而復安住自見取中。彼若聽聞如是法已，於我甚深密意言說，無有力能如實解了，

於如是法雖生信解，然於其義隨言執著，謂一切法決定皆無自性，決定不生不滅，決定本來寂靜，決定自性涅槃。

由此因緣，於一切法獲得無見及無相見。由得無見、無相見故，撥一切相皆是無相，

誹撥諸法遍計所執相、依他起相、圓成實相。

何以故？

由有依他起相及圓成實相故，遍計所執相方可施設。

若於依他起相及圓成實相見為無相，彼亦誹撥遍計所執相，是故說彼誹撥三相。

雖於我法起於法想，而非義中起於義想；由於我法起法想故，及非義中起義想故，於是法中持為是法，

於非義中持為是義。彼雖於法起信解故，福德增長，

然於非義起執著故，退失智慧；智慧退故，退失廣大無量善法。

《大乘阿毘達磨集論卷第六》〈決擇分中法品第二〉

何因緣故一分眾生於方廣分廣大甚深雖生勝解而不出離？由深安住自見取故。常堅執著如言義故。依此密意，薄伽梵於《大法鏡經》中說如是言：若諸菩薩隨言取義，不如正理思擇法故，便生二十八不正見。

何等名為二十八不正見？

謂相見。損減施設見。損減分別見。損減真實見。攝受見。轉變見。無罪見。出離見。輕毀見。憤發見。顛倒見。出生見。不立宗見。矯亂見。敬事見。堅固愚癡見。根本見。於見無見見。捨方便見。不出離見。障增益見。生非福見。無功果見。受辱見。誹謗見。不可與言見。廣大見。增上慢見。

二十八不正見	以大乘經由種種意說故，依此密意，薄伽梵於《大法鏡經》中說如是言：若諸菩薩隨言取義，不如正理思擇法故，便生二十八不正見。		《大乘阿毘達磨雜集論卷第十二》 〈決擇分中法品第二之二〉 安慧菩薩釋上集論 大唐三藏法師玄奘 奉 詔譯
十七種見			為欲開示如上所說十七種見，諸過失門，復說餘見。
相見	謂聞大乘經中所說一切諸法皆無自性、無生無滅、本來寂靜、自性涅槃等言。不善密意，但隨此言義便生勝解，謂佛所說一切諸法定無自性定無生等。執著如是無性等相，是名相見。	見無見見	即相見，名「於見無見見」。
損減施設見。 損減分別見。 損減真實見	彼執著如是無性等相時，便謗三自性，謂遍計所執自性、依他起自性、圓成實自性。 遍計所執自性者，謂諸愚夫於色等相，周遍計度起增益執，謂此是色，乃至此是涅槃。此所執義，無實、無體，唯有名言之所施設。 依他起自性者，謂即此色等唯是虛妄分別自體。又因果性或異、不異。 圓成實自性者，謂一切法真如實性。 於此三性起誹謗行，即次三見。謂損減施設見、損減分	捨方便見	此實堅執無性等相而起，不執一切相想故，即損減施設見、損減分別見、損減真實見，名「捨方便見」。

	別見、損減真實見。		
攝受見	彼如是誹謗一切種一切法時，為欲成立此邪見故，便復攝受少分道理。	不出離見	由彼誹謗一切法性，於勤精進起無用想故，即攝受見、轉變見，名「不出離見」。
轉變見	又於所有開示離言諸法實性了義契經，廣設方便皆悉轉變，令順己見。		
無罪見	彼又起如是見，若依此見，行善、不善，定皆無罪、無有過失，一切所行皆歸妙善。	障增益見	非方便修學，不能證果故，即無罪見、出離見，名「障增益見」。
出離見	先所積習一切障垢皆得出離。		
輕毀見	彼如是執自見已。便於此見相違安立蘊等諸法，聲聞藏中，妄生輕毀。	生非福見	所行邪僻，無容盡障故，即輕毀見、憤發見，名「生非福見」。
憤發見	又於不信如是邪見聲聞人等，深生憎嫉。		
顛倒見	彼又隨順自惡邪見，謂我當建立如實空、無相、無願。於非彼相起彼相想，而於彼相顛倒建立。	無功果見	由於正法同梵行所，起邪行門，便能引發大衰損故，即顛倒見、出生見，名「無功果見」。
出生見	又作是思惟：若能悟入如是法性、或令他人，一切皆生無量功德。		
不立宗見	若他於彼所起惡見如理詰責。彼於爾時，竟不樂欲建立自宗。	受辱見	由所安立非正法性，授者、受者俱不能證勝進果故，即不立宗見、矯亂見，名「受辱見」。
矯亂見	反以譏弄妄理，詰責於他。		
敬事見	彼又起如是增上慢，謂若能如是修行，是真供養恭敬諸佛世尊。如是見者，名敬事見。	誹謗見	非理輿論，無宜得勝故，即敬事見，名「誹謗見」。
堅固愚癡見	諸有善達無倒法性者，為令捨離彼惡見故，雖以種種真實成立道理方便開悟。堅守愚見，曾無捨心，謂唯此	不可與言見	所不應說，強增益故，即堅固愚癡見，名「不可與言見」。邪執空者，不應與言，徒設

	真、餘並邪妄。如是見者，名堅固愚癡見。		多詞，終無所益故。
根本見	如上所說諸見所有習氣麤重，是名根本見。	廣大見	即根本見，名「廣大見」，由此，當來諸惡見類轉增廣故，
		增上慢見	即上所說二十七見，皆名「增上慢見」，並能發起虛妄無實增上慢故。